

Հաստատված է

ՀՀ ԳԱԱ Գիտակրթական միջազգային կենտրոնի
գիտական խորհրդի «14» հուլիսի 2017 թ. թիվ 113 նիստում

ՀՀ ԳԱԱ ԳԿՄԿ տնօրեն

_____ Ա. Սարգսյան

Կ Ա Ն Ո Ն Ա Կ Ա Ր Գ

(ՆՈՐ ԽՄԲԱԳՐՈՒԹՅԱՄԲ)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆԻ ՈՒՍԱՆՈՂԱԿԱՆ ՆՊԱՍՏՆԵՐԻ ՀԱՏԿԱՑՄԱՆ ՄԱՍԻՆ

I. ԸՆԴՀԱՆՈՒՐ ԴՐՈՒՅԹՆԵՐ

1. ՀՀ ԳԱԱ Գիտակրթական միջազգային կենտրոնի ուսանողական նպաստների, պետական և ներքուհական կրթաթոշակների հատկացման կանոնակարգը (այսուհետ՝ կանոնակարգ) սահմանում է ՀՀ ԳԱԱ Գիտակրթական միջազգային կենտրոնում ուսման վարձավճարի լրիվ կամ մասնակի փոխհատուցման ձևով ուսանողական նպաստների հատկացման, պետական և ներքուհական կրթաթոշակների տրամադրման կարգը և պայմանները:
2. Սույն կանոնակարգի իրավական հիմքերն են «Բարձրագույն և հետքուհական մասնագիտական կրթության մասին» և «Կրթության մասին» Հայաստանի Հանրապետության օրենքները, Հայաստանի Հանրապետության կառավարության 2006թ. հուլիսի 27-ի թիվ 1183-Ն որոշումը, ՀՀ Կառավարության 2013 թ. նոյեմբերի 28-ի թիվ 1330-Ն որոշումը, ՀՀ Կառավարության 2017 թվականի հունիսի 29 749-Ն

որոշումը, ՀՀ ԳԱԱ Գիտակրթական միջազգային կենտրոնի կանոնադրությունը և այլ իրավական ակտերը:

3. Սույն կանոնակարգի դրույթները գործում են մագիստրոսի կրթական ծրագրերով, առկա ուսումնառության համակարգում սովորող ուսանողների համար:

4. Սույն կանոնակարգի 12-րդ (բացառությամբ՝ 12.12 ենթակետի) 13-րդ, 14-րդ, 15-րդ, 16-րդ կետերի դրույթներն ուսման վարձավճարի մասնակի փոխհատուցման մասով տարածվում են նաև ընդհանուր հիմունքներով մագիստրատուրայի հեռակա ուսուցման համակարգում սովորող ուսանողների վրա:

5. Ուսանողական նպաստը լրիվ կամ մասնակի փոխհատուցվում է ուսանողի ուսման վարձավճարը Հայաստանի Հանրապետության պետական բյուջեի ծախսային մասում նախատեսված միջոցների, ՀՀ ԳԱԱ Գիտակրթական միջազգային կենտրոնի ֆինանսական միջոցների, ինչպես նաև Հայաստանի Հանրապետության օրենսդրությամբ չարգելված այլ աղբյուրների հաշվին:

II. ՈՒՍԱՆՈՂԱԿԱՆ ՆՊԱՍՏՆԵՐԻ ԶԵՎՈՎ ՈՒՍՄԱՆ ՎԱՐՁԱՎՃԱՐԻ ԼՐԻՎ ԵՎ ՄԱՍՆԱԿԻ ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԿԱՐԳՆ ՈՒ ՊԱՅՄԱՆՆԵՐԸ

6. Պետության կողմից ուսանողական նպաստի ձևով, մրցութային հիմունքով, ուսման վարձավճարի լրիվ փոխհատուցում տրամադրվում է

6.1 մեկ ուսումնական տարվա ընթացքում սահմանված ժամկետներում հանձնաժողով (առանց լուծարքային շրջանի) քննությունների և ստուգարքների արդյունքներով ուսանողներին մրցութային կարգով՝ սահմանված շեմը հաղթահարած, տվյալ մասնագիտությամբ անվճար տեղերի առկայության դեպքում:

6.2 օրենքով նախատեսված հետևյալ սոցիալական խմբերում ընդգրկված անձանց

ա) առանց ծնողական խնամքի մնացած կամ նրանց թվին պատկանող անձանց՝ համաձայն «Առանց ծնողական խնամքի մնացած երեխաների սոցիալական պաշտպանության մասին» Հայաստանի Հանրապետության օրենքի;

բ) 1-ին, 2-րդ խմբերի հաշմանդամներին ու հաշմանդամ երեխայի կարգավիճակ ունեցող անձանց՝ համաձայն «Հայաստանի Հանրապետությունում հաշմանդամների

սոցիալական պաշտպանության մասին» Հայաստանի Հանրապետության օրենքի, (հիմքը՝ 29 հունիսի 2017 թվականի N 749-Ն Կառավարության որոշում):

գ) զոհված զինծառայողի երեխա-ուսանողներին, պարտադիր ժամկետային զինվորական ծառայության ընթացքում հաշմանդամ դարձած անձանց կամ պարտադիր ժամկետային զինվորական ծառայությունից զորացրված (զորացրվելուց հետո երեք տարվա ընթացքում) դիմորդներից ամենաբարձր միավոր ունեցող անձանց (ուսումնական հաստատություններին Հայաստանի Հանրապետության կառավարության կողմից ըստ մասնագիտությունների հատկացված տեղերում)՝ համաձայն «Զինծառայողների և նրանց ընտանիքների անդամների սոցիալական ապահովության մասին» Հայաստանի Հանրապետության օրենքի. (հիմքը՝ 29 հունիսի 2017 թվականի N 749-Ն Կառավարության որոշում):

դ) պետության համար առաջնահերթություն և կարևորություն ներկայացնող մասնագիտություններով նպատակային ուսուցմամբ ընդունված ուսանողներին:

Ընդհանուր մրցույթից դուրս, պարտադիր ժամկետային զինվորական ծառայությունից զորացրված Հայաստանի Հանրապետության կառավարության կողմից հատկացված անվճար տեղերի հաշվին ընդունված ուսանողները որպես նպատակային ուսուցմամբ ընդունվածներ, օգտվում են իրենց արտոնությունից մինչև ուսումնառության ավարտը:

7. Պետությունը ուսանողական նպաստի ձևով, ուսման վարձավճարի **մասնակի փոխհատուցում** տրամադրում է յուրաքանչյուր տարի Հայաստանի Հանրապետության կրթության և գիտության նախարարության կողմից սահմանված ուսանողի միջին որակական գնահատականի (ՄՈԳ-ը) նվազագույն շեմը հաղթահարած և ընտանիքների անապահովության գնահատման համակարգում հաշվառված Հայաստանի Հանրապետության կառավարության կողմից յուրաքանչյուր տարի սահմանվող անապահովության սահմանային միավորից բարձր միավորներ ունեցող հետևյալ խմբերին.

ա) մինչև 5 միավորով բարձր անապահովության միավոր ունեցող ընտանիքի անդամ հանդիսացող ուսանողներին ուսման վարձի 50 տոկոսի չափով.

բ) 5-10 միավորով բարձր անապահովության միավոր ունեցող ընտանիքի անդամ հանդիսացող ուսանողներին ուսման վարձի 60 տոկոսի չափով.

գ) 10-15 միավորով բարձր անապահովության միավոր ունեցող ընտանիքի անդամ հանդիսացող ուսանողներին ուսման վարձի 70 տոկոսի չափով.

դ) 15-20 միավորով բարձր անապահովության միավոր ունեցող ընտանիքի անդամ հանդիսացող ուսանողներին ուսման վարձի 80 տոկոսի չափով.

ե) 20-ից բարձր անապահովության միավոր ունեցող ընտանիքի անդամ հանդիսացող ուսանողներին ուսման վարձի 100 տոկոսի չափով:

8. Ուսանողի միջին որակական գնահատականի նվազագույն շեմը յուրաքանչյուր տարի սահմանում է Հայաստանի Հանրապետության կրթության և գիտության նախարարությունը:

9. Պետության կողմից ուսանողական նպաստի ձևով ուսման վարձավճարի **մասնակի փոխհատուցում** ստանալու համար ուսանողն իր ընտանիքի անապահովության միավորի վերաբերյալ սոցիալական ծառայություններ տրամադրող տարածքային մարմնի տրամադրած տեղեկանքը յուրաքանչյուր տարի բուհին է ներկայացնում մինչև տվյալ տարվա սեպտեմբերի 10-ը:

10. Սույն կանոնակարգի 6.2. կետի «ա», «գ» և «դ» ենթակետերում նշված կարգավիճակ ունեցող ուսանողներին ուսանողական նպաստի ձևով ուսման վարձավճարի լրիվ փոխհատուցում տրամադրվում է 1-ին կուրսից սկսած մինչև տվյալ կրթական ծրագրով ուսումնառության ավարտը:

11. Սույն կանոնակարգի 6.2. կետի «բ» ենթակետում նշված կարգավիճակ ունեցող ուսանողներին համապատասխան փաստաթղթերի առկայության դեպքում, ուսանողական նպաստի ձևով ուսման վարձավճարի լրիվ փոխհատուցում տրամադրվում է առաջին կուրսի սկզբում և պարտադիր կարգով վերանայվում է յուրաքանչյուր ուսումնական տարվա ընթացքում:

12. **ՀՀ ԳԱԱ Գիտակրթական միջազգային կենտրոնը**, վճարովի համակարգում սովորող ուսանողական համակազմի առնվազն տասն տոկոսին, ուսանողների վարձավճարներից գոյացած բյուջեի առնվազն *յոթ տոկոսի չափով*, իր միջոցների **հաշվին հիմք ընդունելով բարձր առաջադիմությունը և սոցիալական խումբը**, իրականացնում է ուսանողական նպաստի ձևով ուսման վարձավճարի **մասնակի փոխհատուցում** հետևյալ կարգավիճակ ունեցող ուսանողներին.

12.1 սոցիալապես անապահով (ընտանիքների ապահովության սահմանային միավորից բարձր միավոր ունեցող ընտանիքների) ուսանողներին՝ առնվազն 30 տոկոս:

12.2 18 տարին լրանալուց հետո առանց ծնողական խնամքի մնացած ուսանողներին մինչև 23 տարին լրանալը՝ առնվազն 50 տոկոս:

12.3 23 տարին չլրացած միակողմանի ծնողազուրկ (միածնող) ուսանողներին՝ առնվազն 50 տոկոս:

12.4 Մինչև մեկ տարեկան երեխա ունեցող ուսանողներին՝ առնվազն 50 տոկոս:

12.5 Երեք և ավելի անչափահաս, կամ երեք և ավելի ուսանող երեխա ունեցող ընտանիքների ուսանողներին՝ առնվազն 30 տոկոս:

12.6 1-ին կամ 2-րդ խմբի հաշմանդամ, ինչպես նաև հաշմանդամ ազատամարտիկ ծնող ունեցող ուսանողներին՝ առնվազն 50 տոկոս:

12.7 Մարտական հերթապահություն իրականացնող զորամասերում մարտական հերթապահության մեջ ընդգրկված պարտադիր ժամկետային զինվորական ծառայություն անցած ուսանողներին (համապատասխան փաստաթղթի ներկայացման դեպքում)՝ առնվազն 30 տոկոս;

12.8 Մարտական գործողությունների մասնակիցների (ազատամարտիկների) երեխա ուսանողներին (համապատասխան փաստաթղթերի ներկայացման դեպքում) առնվազն 30 %:

12.9 2016 թ. ապրիլյան քառօրյա պատերազմի մասնակից ուսանողներին՝ զինվորական գրքույկում համապատասխան նշման առկայության պարագայում, անկախ ՄՈԳ-ի սահմանված շեմից՝ առնվազն 50 տոկոս:

12.10 Սոցիալապես անապահով (ընտանիքների ապահովության գնահատման համակարգում հաշվառված, անապահովության 0 միավորից բարձր միավոր ունեցող ընտանիքների) ուսանողներին՝ առնվազն 20 տոկոս:

12.11 Սահմանամերձ կամ բարձր լեռնային բնակավայրերի ուսանողներին՝ առնվազն 20 տոկոս: (29 հունիսի 2017 թվականի N 749-Ն Կառավարության որոշման համաձայն):

12.12 Ուսանողական նպաստների համակարգում չընդգրկված, երկու կիսամյակ անընդմեջ առավել բարձր առաջադիմություն ցուցաբերած ուսանողներին, որոնք ուսանողական նպաստի ձևով ուսման վարձավճարի լրիվ փոխհատուցման համար անցկացված փոխատեղման մրցույթի արդյունքում զրկվել են նպաստի իրավունքից մինչև 0.1 միավոր տարբերության պատճառով, առնվազն 50 տոկոս:

12.13 ՀՀ ԳԱԱ Գիտակրթական միջազգային կենտրոնի համակազմում հիմնական աշխատանքային պայմանագրով աշխատող-ուսանողներին և նրանց երեխա-ուսանողներին՝ 50 տոկոսի չափով:

12.14 ՀՀ ԳԱԱ համակարգում 1 և ավելի տարի հիմնական աշխատանքային պայմանագրով աշխատող-ուսանողներին և նրանց երեխա-ուսանողներին առնվազն 30 տոկոս:

12.15 Սույն կարգի 12.13-րդ կետում նշված երեխա-ուսանողի կարգավիճակի արտոնությունից օգտվում են նաև ընտանիքի անդամ հանդիսացող աշխատողի ամուսինը:

12.16 Առանձնահատուկ դեպքերում՝ այլ կարգավիճակ ունեցող ուսանողներին՝ ՀՀ ԳԱԱ Գիտակրթական միջազգային կենտրոնի մագիստրոսական նպաստները հատկացնելու հարցերով կազմավորված հանձնաժողովի որոշմամբ:

13. Երկու և ավելի կարգավիճակների համապատասխանող կամ մի քանի արտոնություններին հավակնելու դեպքում ուսանողը կարող է օգտվել դրանցից միայն մեկից, որի դեպքում կիրառվում է մասնակի փոխհատուցման առավելագույն չափը:

14. Ուսանողական նպաստի ձևով ուսման վարձավճարի մասնակի փոխհատուցումից ուսանողը կարող է օգտվել սահմանված միջին որակական գնահատականի (ՄՈԳ) շեմը հաղթահարելու դեպքում: Անհարգելի պատճառներով (անբավարար գնահատական (չստուգված) ստանալու կամ անհարգելի պատճառով քննությանը (ստուգարքին) չներկայանալու դեպքերում) ակադեմիական պարտքերի մարման շրջանում քննություններ (ստուգարքներ) հանձնած ուսանողները ուսման վարձավճարի մասնակի փոխհատուցման իրավունքից չեն օգտվում:

15. Յուրաքանչյուր ուսումնական կիսամյակի համար միջին որակական գնահատականի (ՄՈԳ) շեմը սահմանվում է ՀՀ ԳԱԱ Գիտակրթական միջազգային կենտրոնի Գիտական խորհրդի կողմից՝ տնօրենի հրամանով:

16. Մագիստրատուրայի **առկա** և **հեռակա** ուսումնառության համակարգերում սովորող առաջին կուրսի ուսանողները, ուսման վարձավճարի մասնակի փոխհատուցման իրավունքից կարող են օգտվել միայն ուսումնառության երկրորդ կիսամյակից, բացառությամբ սույն կանոնակարգի 12.13-րդ կետով սահմանված կարգավիճակ ունեցող ուսանողների, ովքեր ուսման վարձավճարի մասնակի փոխհատուցման իրավունքից կարող են օգտվել ուսումնառության առաջին կիսամյակից:

17. Սույն կանոնակարգի 12-րդ կետով նախատեսված ուսման վարձավճարի մասնակի փոխհատուցման վերաբերյալ դիմումներն ընդունվում են առկա ուսումնառության համակարգում սովորող ուսանողների դեպքում՝ յուրաքանչյուր կիսամյակի առաջին չորս շաբաթների ընթացքում, իսկ հեռակա ուսումնառության համակարգում սովորող ուսանողների դեպքում՝ դասերը փաստացի սկսելուց հետո երկու շաբաթվա ընթացքում:

Սույն կետում սահմանված ժամկետների ավարտից հետո ներկայացված ուսման վարձավճարի մասնակի փոխհատուցման վերաբերյալ դիմումները ենթակա չեն քննարկման:

✓ **2017-2018 ուս տարվա կիսամյակային միջին որակական գնահատականը սահմանվել է 14 միավոր:**

III. ԳԿՄԿ ՈՍԱՆՈՂՆԵՐԻ ՓՈԽԱՏԵՂՈՒՄՆ ԻՐԱԿԱՆԱՑՆԵԼՈՒ ԿԱՐԳԸ և ՊԱՅՄԱՆՆԵՐԸ

18. ՀՀ ԳԱԱ Գիտակրթական միջազգային կենտրոնում ուսումնական տարին սկսելուն նախորդող և հաջորդող երկու շաբաթվա ընթացքում իրականացվում է փոխատեղում՝ ըստ մասնագիտությունների: Փոխատեղման արդյունքում սույն կարգի 6-րդ կետի 1-ին ենթակետի համաձայն անվճար համակարգում ընդգրկված, սակայն նախորդ ուսումնական տարվա արդյունքներով բարձր առաջադիմություն չցուցաբերած ուսանողներն ընդգրկվում են վճարովի համակարգ, իսկ վճարովի համակարգի բարձր առաջադիմություն ունեցող ուսանողները՝ անվճար ուսուցման համակարգ: ԳԿՄԿ տնօրենի կողմից երեք աշխատանքային օրվա ընթացքում հրապարակվում է անվճար և վճարովի համակարգ անցած ուսանողների ցանկը և պատշաճ կերպով տեղեկացվում է ուսանողներին:» (Տես՝ 29 հունիսի 2017 թվականի N 749-Ն Կառավարության որոշումը):

19. Սույն կանոնակարգի 6.1-րդ կետի համաձայն տրամադրվող ուսման վարձավճարի լրիվ փոխհատուցման իրավունքից հրաժարվելու վերաբերյալ դիմումներն ընդունվում են մինչև յուրաքանչյուր տարվա հուլիսի 1-ը և դրանց քննարկումը կազմակերպվում է սույն կանոնակարգի 25-րդ և 26-րդ կետերում նշված մանդատային հանձնաժողովների կողմից:

20. Հարգելի պատճառով (ակադեմիական արձակուրդի, առողջական վիճակի, զինծառայության մեկնելու կամ ուսանողական փոխանակման ծրագրերով արտասահման ուսումնառության գործուղվելու կապակցությամբ, ինչպես նաև իր դիմումի համաձայն) ուսումնառությունն ընդհատած ուսանողը ուսանողական իրավունքները վերականգնելիս պահպանում է նախկինում ունեցած ուսանողական նպաստ ստանալու իրավունքը:

Ուսանողական նպաստի ձևով ուսման վարձավճարի լրիվ փոխհատուցման իրավունքից օգտվող ուսանողի կողմից հարգելի պատճառով ուսումնառությունն ընդհատելու դեպքում ազատված ուսանողական նպաստը նույն կուրսում տվյալ ուսումնական տարում չի օգտագործվում և հետագայում ավելացվում է այն կուրսի տվյալ ուսումնական տարվա ուսանողական նպաստներին որտեղ ուսանողը վերականգնում է իր ուսանողական իրավունքները:

21. Այլ պատճառներով ուսումնառությունն ընդհատած, այլ բուհերից, ՀՀ ԳԱԱ Գիտակրթական միջազգային կենտրոնի այլ մասնագիտություններից կամ հեռակա ուսումնառության համակարգից առկա, կամ առկա ուսումնառության համակարգից հեռակա ուսումնառության համակարգ տեղափոխված ուսանողները, ուսման

վարձավճարի լրիվ փոխհատուցման իրավունքից կարող են օգտվել ՀՀ ԳԱԱ Գիտակրթական միջազգային կենտրոնում տվյալ մասնագիտությունում, առկա ուսուցման համակարգում մեկ ուսումնական տարի սովորելուց հետո, իսկ ուսման վարձավճարի մասնակի փոխհատուցման իրավունքից առկա և հեռակա ուսումնառության համակարգում մեկ կիսամյակ սովորելուց հետո:

22. Սույն կանոնակարգի 12.12 ենթակետում սահմանված կարգով ուսման վարձավճարի մասնակի փոխհատուցման իրավունքից կարող են օգտվել միայն առկա ուսուցմամբ ընդունված ուսանողները:

23. Սույն կանոնակարգի 6.1. ենթակետում նշված ուսանողների համար մրցույթը կազմակերպվում է մինչև յուրաքանչյուր տարվա սեպտեմբերի 1-ը, նախորդող ուսումնական տարվա յուրաքանչյուր կիսամյակի քննաշրջանի համար սահմանված ժամանակահատվածում հանձնաժողովի քննությունների և ստուգարքների արդյունքների (ՄՈԳ-ի) հիման վրա: ՄՈԳ-ը հաշվարկվում է ՀՀ ԳԱԱ Գիտակրթական միջազգային կենտրոնում գործող գիտելիքների գնահատման սանդղակի կիրառմամբ (հարյուրերորդականի ճշտությամբ): Հավասար ցուցանիշների դեպքում միավորները հաշվարկվում են առանց կլորացման: Ուսման վարձավճարի լրիվ փոխհատուցման համար անցկացվող մրցույթին չեն կարող մասնակցել ակադեմիական պարտքերով քննաշրջանը ավարտած մագիստրանտները: Ըստ առաջադիմության՝ ՄՈԳ-ի, ձևավորվում է տվյալ կուրսի տվյալ մասնագիտության ուսման վարձավճարի լրիվ փոխհատուցման իրավունք ունեցող ուսանողների ցուցակը:

24. Փոխատեղման ժամանակ առաջադիմության արդյունքների հավասար միավորների դեպքում առաջնահերթությունը տրվում է՝

ա) պետական կրթական չափորոշիչով հաստատված ընդհանուր և հատուկ մասնագիտական առարկաներից առավել բարձր միավոր ստացած ուսանողներին.

բ) նախորդ տարում անվճար համակարգում սովորող ուսանողներին.

գ) քիչ բացակայություններ ունեցող ուսանողներին.

դ) սոցիալապես առավել անապահով վիճակում գտնվող ուսանողներին (համապատասխան փաստաթղթերի առկայության դեպքում).

ե) զինվորական ծառայությունից զորացրված ուսանողներին:

25. Սույն կանոնակարգի 23-րդ կետում նշված ցուցակը ՀՀ ԳԱԱ Գիտակրթական միջազգային կենտրոնի դեկանի կողմից ներկայացվում է կենտրոնի մանդատային հանձնաժողովի քննարկմանը: ՀՀ ԳԱԱ Գիտակրթական միջազգային կենտրոնի մանդատային հանձնաժողովի կազմը հաստատվում է ՀՀ ԳԱԱ Գիտակրթական

միջազգային կենտրոնի տնօրենի հրամանով: Մանդատային հանձնաժողովի կազմում կարող են ընդգրկվել ՀՀ ԳԱԱ Գիտակրթական միջազգային կենտրոնի փոխտնօրենը, ուսումնական մասի պետը, ԳԿՄԿ ղեկանը, իրավախորհրդատուն, հաշվապահության, արհեստակցական կազմակերպության և ուսանողական խորհրդի ներկայացուցիչները:

26. Մանդատային հանձնաժողովը, ըստ տվյալ կուրսի տվյալ մասնագիտությանը հատկացված նպաստների թվաքանակի, իրականացնում է մրցույթ և կազմում է ուսման վարձավճարի լրիվ փոխհատուցման իրավունք ունեցող ուսանողների ցուցակը, որը պարտադիր վավերացվում է մանդատային հանձնաժողովի բոլոր անդամների կողմից: Ցուցակի կազմման համար կազմվում է արձանագրություն (2 օրինակից), որտեղ պարտադիր կարգով գրանցվում են մանդատային հանձնաժողովի անդամների կողմից արտահայտված կարծիքները և հնարավոր վերապահումները: Արձանագրությունը և մրցութային ցուցակը ստորագրվում են մանդատային հանձնաժողովի նախագահի և անդամների կողմից:

27. Սույն կանոնակարգի 26-րդ կետում նշված ցուցակները և արձանագրությունները մինչև յուրաքանչյուր տարվա սեպտեմբերի 1-ը, ղեկանի կողմից ներկայացվում են ՀՀ ԳԱԱ Գիտակրթական միջազգային կենտրոնի գիտական խորհրդի դիտարկմանը և հաստատմանը:

28. Սույն կանոնակարգի 26-րդ կետում նշված ցուցակներում անճշտություններ, վրիպումներ, սխալներ, ինչպես նաև ցուցակների կազմման ընթացակարգի այլ խախտումներ հայտնաբերվելու դեպքերում ԳԿՄԿ մանդատային հանձնաժողովն իրավասու է տվյալ մասնագիտության ուսման վարձավճարի լրիվ փոխհատուցման իրավունք ունեցող ուսանողների ցուցակը հետ վերադարձնել նոր մրցույթի կազմակերպման պահանջով:

29. ՀՀ ԳԱԱ Գիտակրթական միջազգային կենտրոնի մանդատային հանձնաժողովի կողմից հաստատված ցուցակները մեկօրյա ժամկետում հրապարակվում են: Ցուցակների վերաբերյալ դիմում-բողոքները երեք աշխատանքային օրվա ընթացքում պետք է ներկայացվեն Գիտակրթական միջազգային կենտրոնի գիտական խորհրդին: Նշված ժամկետի ավարտից հետո Գիտակրթական միջազգային կենտրոնի գիտական խորհրդը քննարկում է ներկայացված դիմում-բողոքները (եթե այդպիսիք կան), հաստատում է ուսանողական նպաստի ձևով ուսման վարձավճարի լրիվ փոխհատուցում ստացող ուսանողների վերջնական ցուցակները և այն հրամանագրման նպատակով ներկայացնում է ՀՀ ԳԱԱ Գիտակրթական միջազգային կենտրոնի տնօրենին:

30. ՀՀ ԳԱԱ Գիտակրթական միջազգային կենտրոնի տնօրենի հրամանով ուսման վարձավճարի լրիվ փոխհատուցում ստացող ուսանողների հրամանագրումից հետո ուսանողների այլ ուսումնական հաստատություն կամ այլ ամբիոն փոխադրվելու, ինչպես նաև Կենտրոնից ազատվելու դեպքերում ազատված ուսանողական նպաստներն այլ ուսանողների չեն տրամադրվում:

31. ՀՀ ԳԱԱ Գիտակրթական միջազգային կենտրոնի տնօրենի հրամանում պարտադիր կարգով նշվում է ուսանողական նպաստի տրամադրման ժամկետը տվյալ տարվա սեպտեմբերի 1-ից մինչև հաջորդ տարվա օգոստոսի 31-ը: